



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quàm extra corpus Juris Canonici vagantur ...

Fargna, Francesco de

Romæ, MDCCXVIII

Casus II. Argumentum. Ad effectum Prælationis præsentati à majori parte Patronorum, an major pars desumatur respectu singularum partium, aut respectu omnium.

[urn:nbn:de:hbz:466:1-72203](https://nbn-resolving.org/urn:nbn:de:hbz:466:1-72203)

conf. 59. Fagnan. hic Archidiacon. in Can. Hortatur dist. 71. ibique Bellamer. num. 5.

ARGUMENTUM.

Ad effectum prælationis præsentati à majori parte Patronorum, an major pars desumatur respectu singularum partium, aut respectu omnium?

SUMMARIUM.

- 1 Major pars Patronorum desumitur respectu singularum partium, si juspatronatus competat pluribus uti singulis; si verò competat pluribus uti universis, major pars desumitur respectu omnium. Et num. 2.
- 3 Major pars desumitur respectu vocum, & non respectu Personarum.
- 4 Major pars desumitur respectu omnium de Universitate vocatorum, & intervenientium, non verò vocatorum, & non intervenientium.

CASUS II.

Competit Juspatronatus Ecclesiæ A. quatuor Personis, quarum duæ præsentarunt Titium, una Sempronium, & alia Cajum. Quæritur, an Titius in hoc casu dicatur præsentatus à majori parte Patronorum.

1 Respondeo ad effectum cognoscendi, quando quis dicatur præsentatus à majori parte Patronorum, distinguendum est inter Juspatronatus competens pluribus Patronis uti singulis, & inter Juspatronatus competens Collegio, Universitati, aut pluribus Patronis uti universis. Si Juspatronatus competit pluribus uti singulis, tunc major pars desumitur respectu singularum, & minorum partium. Et sic in isto casu, in quo Juspatronatus Ecclesiæ A. competit quatuor Personis uti singulis, Titius dicitur præsentatus à majori parte; quia duæ voces, quas habet Titius, sunt major pars respectu vocis, quam habet Sempronius, & respectu vocis, quam habet Cajus, licet non sint major pars respectu harum duarum vocum simul sumptarum.

2 Si verò Juspatronatus competit pluribus uti universis, tunc major pars desumitur respectu omnium, & non singularum partium. Et sic, ex gr. si Juspatronatus

Pars II.

competeret centum personis uti universis, quarum quinquaginta præsentarent Petrum, triginta Paulum, & viginti Antonium; Petrus non diceretur præsentatus à majori parte; Quia licet quinquaginta sint major pars respectu triginta, & respectu viginti singulariter sumptarum, tamen non sunt major pars respectu omnium. *Fagnan. hic num. 13.*, & ita resolutum fuit à Sacra Congregatione Concilii in *Pennen. juris præsentandi 12. Novembris 1689.* ubi sequuta vacatione Præposituræ Homines Communitatis Pennen. ad præsentationem convenerunt in numero 275. ex quibus 109. uni, 104. alteri, 50. alteri, 11. alteri, & unus alteri suffragati fuerunt. Instante Communitate Sacerdotem Pompilium, in quem 109. vota cessere, ab Episcopo institui tamquam præsentatum à majori parte, habita comparatione minorum, Episcopus ipsi institutionem denegavit; Habito proinde recursum ad Sacram Congregationem, & proposito dubio: *An Sacerdos Pompilius dici debeat præsentatus à majori parte, ita ut instituendus sit?* Responsum fuit *negativè*, quia præsentatus ad Beneficium à Communitate, vel Collegio debet esse præsentatus à majori parte respectu totius, non autem respectu minoris numeri.

3 Insuper major pars desumitur respectu vocum, & non respectu personarum; fieri namque potest, quòd Juspatronatus pro duabus vocibus competat duabus personis, & pro una voce tribus personis; & tamen præsentatus à tribus personis habentibus unam vocem, non dicitur præsentatus à majori parte Patronorum, respectu præsentati à duabus personis habentibus duas voces; Ita *Berous hic n. 105. & n. 24. Abb. hic n. 13. Butrius n. 11. Gonzal. hic.*

4 Ac etiam major pars desumitur respectu omnium de Universitate vocatorum, & intervenientium intrà terminum juris ad actum præsentationis, & persistentium in loco præsentationis, non verò respectu etiam eorum vocatorum, & non intervenientium, aut intervenientium, sed non persistentium in loco præsentationis; quia isti faciunt se alieni ab actu præsentationis, nec computantur in numero intervenientium, & per voluntarium eorum dis-

P

cessum

cessum integra potestas presentandi consolidata remanet in Patronis persistentibus in loco presentationis. Unde si ex eis de Universitate vocatis ad presentationem interveniant intra terminum juris solum duæ partes, presentatus à majori parte istarum duarum partium preferendus est, & instituendus. *Abb. in cap. cum nobis de elect. n. 3. & in cap. cum Ecclesia eodem tit. Lambertin. de jurepatr. par. 2. lib. 2. quest. 2. art. 19. n. 15. Palm. cons. 10. n. 4. Passerin. de election. cap. 11. num. 101. Lotter. de re benefc. lib. 2. quest. 17. num. 7. Rota in Comen. Parochialis super institutione 23. Junii 1710. S. Parum, & S. Congregatis coram R. P. D. Falconerio.*

ARGUMENTUM.

Competente Jurepatronatus pluribus Personis, si major pars presentet scienter absolute non idoneum, aut indignum; Minor autem pars presentet idoneum, & deinde eadem major pars variando presentet alium idoneum, An iste secundus presentatus à majori parte sit instituendus, excluso presentato à minori parte.

SUMMARIUM.

- 1 Major pars Patronorum presentans scienter absolute non idoneum, aut indignum, An, & quando jus presentandi devolvatur ad minorem partem, vel devolvatur ad Episcopum jus liberè conferendi? Et num. 2. & 10.
- 3 Collator conferens scienter Beneficium non idoneo, privatur pro ea vice jure conferendi, & quare? Vide num. 11.
- 4 Patronus Ecclesiasticus presentans scienter absolute non idoneum, privatur statim pro ea vice jure presentandi, & quare? Vide num. 11.
- 5 Major pars Patronorum presentans scienter non idoneum, An, & quando dicatur contemnere legem foundationis, & abuti jurepatronatus? Et num. 12. & 16.
- 6 Major pars Patronorum presentans scienter absolute non idoneum non privatur statim pro ea vice jure presentandi, sed durante termino potest alium presentare, & iste est ab Episcopo instituendus, & quare. Vide num. 7. & 17.

8 *Contraria opinio fundari non potest* in cap. Cum in cunctis de elect. S. Clerici, nec in Authentic. de Sanctis. Episcop. S. Si quis Oratorii domum, & quare? Vide ibi, & num. 9.

- 13 Patronus presentans ignoranter non idoneum contra legem foundationis non privatur pro ea vice jure presentandi. Amplia, ut num. 14. & 15.

CASUS III.

VAcante Beneficio actu Sacerdotali de Jurepatronatus Laicali quamplurium Patronorum, major pars istorum scienter absolute presentavit ad illud simplicem Clericum; Minor autem pars presentavit actu Sacerdotem; sed dum minor pars Patronorum instabat coram Ordinario pro institutione sui presentati tamquam idonei; Major pars, durante adhuc termino à jure concessio, variando presentavit aliam personam actu Sacerdotem: Quæritur in hoc casu, An Episcopus teneatur instituere secundò presentatum à majori parte, vel potius debeat instituere presentatum à minori parte?

- 1 Et viderur dicendum, Episcopum debere instituere Sacerdotem presentatum à minori parte, excluso secundo presentato à majori parte, licet habili. Etenim major pars Patronorum presentando scienter non Sacerdotem ad Beneficium Sacerdotale, caducata fuit à jure presentandi, & totum jus consolidatum fuit in minori parte, que presentavit Sacerdotem, & in ejus presentato, itaut huic debetur institutio, non verò Sacerdoti secundò presentato à majori parte; dum hæc, quæ prius scienter, absolute presentavit simplicem Clericum non idoneum, & inhabilem ad secundam presentationem devenire non poterat. Regula namque est, Juspatronatus vel competit pluribus uti singulis, vel uti universis; Competente Jurepatronatus pluribus uti singulis, si major pars Patronorum presentat scienter non idoneum. Ex. gr. illiteratum, Clericum conjugatum, bigamum, Monachum; aut non habentem qualitates à Testatore requisitas, vel indignum. Ex. gr. simoniacum, laicum, puerum, illegitimum, & omnino illiteratum, totum Juspatronatus, & presentandi consolidatur, & devolvitur ad minorem partem